

Sisimiut TV'ata malittarisassai

§ 1.

Aallaqqaasiut

Peqatigiiffiup taaguutigaa **Sisimiut TV**.

Imm. 2. Peqatigiiffik Sisimiut illoqarfianni najugaqarpoq.

§ 2.

Peqatigiiffiup siunertaa

Peqatigiiffiup sumiiffimmi kulturimut nutaarsiassanullu tunngasut politikkikkullu pituttorsimanngitsut pingaartillugit tv'iikkut aallakaatitassiortarnertigut sammisarissavai.

Imm. 02. Sisimiut TV'ata anguniarpaa naapertuuttumik siulersorneqarnermigut aqqissuussaannermigullu ilaasortat tv'iikkut isiginnaarumasaasa periarfissat iluanni aallakaatinneqartarnissaat.

Imm. 03. Tv'iikkut aallakaatitassanik nammineq pitsaasunik tunisassiorsinnaassalluni, ilaasortanit aamma allanit isiginnaarneqarsinnaasussanik.

Imm. 04. Ilaasortaanermut akiliuteqartartut akiliutimik iluanni Infokanalip saniatigut kanalimik tapertatut isiginnaagaqarsinnaaner atammattinneqassaaq, TV-bingorsinnaassappullu.

Imm. 05. Tv'mi ingerlatat imminnut aningaasatigut napatissinnaasariaqarput. Ingerlatsinermut, atortunut aamma nutarterinissamut aningaasanik piareersimasuuteqartarnissaq anguniarneqassaaq.

Imm. 06. Sisimiut TV'ani tunniusimallutik sulisut ineriartornermut pikkorissarnernullu malinnaatinneqassapput, taamaasilluni Sisimiut TV suliffigissallugu kajuminnartuussaaq.

Imm. 07. Nutaarsiassaqaqtitsinikkut aliikkutassaqaqtitsinikkullu unammilleqatigiinnermi sakkortusiartuinnartumi, Sisimiut TV'ata ilaasortanut pingaarnertut ingerlatami tunisassiornermilu aningaasarsiorfiusut toqqammavii ikorfartorniartugit, atortullu nutartertuarnissaannut ineriartornermut malinnaanissamut aningaasassaqaqtinniarlugit, tusagassiuuteqarnikkut periarfissat aamma iluanaaruteqarfialugu niuerutit allat – iluanaaruteqarfiussappata peqataaffigisinnaassavai.

§ 3.

TV'qarfimmut ilaasortaaneq

Kinaluunniit soqutiginnittoq ilaasortaasinnaavoq (medlemskontingent)

Imm. 2. Illoqatigiit / illoqutigiit tamarmik ilaasortaannermi ilaapput.

Imm. 3. Ilaasortaannermut akiliutissaq ukiumoortumik ataatsimeersuarnermi aalajangersarneqartassaaq.

§ 4.

Isiginnaagassianut akiliuteqartarneq

Ilaasortaannermut isiginnaarsinnaatitaanermullu akiliut qaammatip aallaqqaataani siumoortumik akilerneqartassaaq. Qaammatisiutini qaammat ilivitsuutillugu akilerneqartassaaq.

Imm. 2. Ilaasortat ilaasortaannermut isiginnaarsinnaatitaanermullu akiligassallit, isiginnaarsinnaatitaaner atammattinneqartassaaq, akilerneqarpallu aatsaat ikinneqaqqissallutik.

Imm. 3. Siumut isumaqatigiissuteqarani kanalinit isiginnaarsinnaanermut qamitaasimasut ammartitseqqinniarunik gebyri qaavatigut akilertassavaat. Gebyrip annertussusissaa siulersuisut aalajangersartassavaat.

Imm. 4. Ilaasortap isiginnaarsinnaanissani nammineq akisussaaffigaa.

§ 5.

Ataatsimeersuarneq

Ataatsimeersuarneq peqatigiiffiup oqartussaannerpaartarivaa.

Imm. 2. Ilaasortat peqatigiiffimmut (medlemskontingent) akiitsoqanngitsut ataatsimeersuarnermi peqataasinnaatitaapput, oqaaseqarsinnaatitaallutik taasisinnaatitaallutillu.

Imm. 3. Ilaasortaanermut minnerpaamik qaammatinik arfinilinnik akiliisimasut siulersuisunut qinigassanngortissinnaapput.

Imm. 4. Ilaasortaneq taasineramik ataatsimik taasisinnaatitaaffiuvoq, pisinnaatitsissutillu atorlugit taasisinnaatitaasoqarani.

Imm. 5. Ataatsimeersuarnermi aalajangiinerit tamarmik nalinginnaasumik amerlanerussuteqarnikkut pisassapput, takuuk imm. 5.

Imm. 6. Peqatigiiffiup malittarisassaasa allanngortinneqarnissaannik atorunnaarsinneqarnissaannilluunniit aalajangiinissat ataatsimeersuaqataasut iluanni 2/3-mik amerlanerussuteqarnikkut pisinnaapput.

§ 6.

Ileqqusumik ataatsimeersuarneq

Ileqqusumik ataatsimeersuarneq kingusinnerpaamik majimi pisassaaq.

Imm. 2. Ileqqusumik ataatsimeersuarnermi oqaluuserisassanut minnerpaamik tulluuttut ilaatinneqartassapput:

- 1) Aqutsisussamik imaqarniliortussamillu toqqaaneq.
- 2) Ukiumut qaangiuttumut siulersuisut nalunaarutaat.
- 3) Naatsorsuutit kukkunersiuisumit "Assistance-erklæring" aallaavigalugu atsiukkat akuerisassanngorlugit
- 4) kalaallisut qallunaatullu saqqummiunneqarnerat.
- 5) Ilaasortat siunnersuutaasa oqaluuserineqarnerat, malittarisassani § 7, imm. 1 takuuk.
- 6) Ukiumut tulluuttumut missingersuutit akuersissutissatut saqqummiunneqarnerat.
- 7) Siulittaasussamik qinersineq
- 8) Siulersuisussanik sisamanik sinniisussanillu marlunnik qinersineq.
- 9) Kukkunersiuisussamik qinersineq.
- 10) Tamalaat.

Imm. 3. Siulersuisut siulittaasuanit tullersortaanilluunniit ileqqusumik ataatsimeersuarnissaq ullunik ikinnerpaamik 14'nik sioqqutsisumik nalunaarutigineqartassaaq. Ataatsimeersuariaqqusineq illoqarfimmi allagarsiinikkut aamma tusagassiutitigut nalunaarutigineqassaaq.

Imm. 4. Ataatsimeersuarnissap sumi qaqugukkullu pinissaa saqqummiunneqartassaaq.

§ 7.

Siunnersuutit

Ilaasortap kialluunniit ileqqusumik ataatsimeersuarnermi sammitinniagaq aalajangersimasoq siunnersuutigisinaavaa.

Imm. 2. Ileqqusumik ataatsimeersuarnissami sammitinniakkat kingusinnerpaamik ataatsimeersuarnissaq sapaatip akunnera ataaseq sioqqullugu siulittaasumut tunniunneqarsimassapput.

§ 8.

Immikkut ittumik ataatsimeersuarneq

Siulersuisunit amerlanerussuteqartut siusinnerusukkulluunniit ataatsimeersuarnermi aalajangiisoqarsimappat immikkut ittumik ataatsimeersuartitsineq pisassaaq.

Imm. 2. Siulersuisunit immikkut ittumik ataatsimeersuarnissaq ullunik ikinnerpaamik 14'inik sioqqutissumik nalunaarutigineqartassaaq. Ataatsimeersuariaqqusineq illoqarfimmi tusagassiutitigut allagarsiinikkullu nalunaarutigineqassaaq.

Imm. 3. Immikkut ittumik ataatsimeersuarnissap sumi qaqugukkullu pinissaa oqaluuserisassallu saqqummiunneqartassapput.

Imm. 4. Immikkut ittumik ataatsimeersuarnissaq ilaasortat ikinnerpaamik 30't piumasaqaatigippassuk ataatsimeersuortoqassaaq.

§ 9.

Aqutsisoq imaqarniliornerlu

Ataatsimeersuartut namminneq aqutsisussartik peqatigiiffimmut ilaasortaasariaqanngitsoq toqqartassavaat.

Imm. 2. Aalajangiinerit imaqarniliorneqartassapput. Imaqarniliaq aqutsisumit siulittaasumillu atsiorneqartassaaq, ataatsimeersuarnerullu kingorna kingusinnerpaamik sapaatip akunneri sisamat qaangiutsinnagit tamanut takusassiarineqartassalluni.

§ 10.

Siulersuisut

Peqatigiiffik siulersuisunut ilaasortanit tallimanit aqunneqassaaq, taakkulu ataatsimeersuarnermi qinigaasassallutik.

Imm. 2. Siulittaasutut siulersuisunullu peqatigiiffimmi ilaasortaasut, peqatigiiffimmut akiitsoqanngikkunik, § 5, imm. 2 takuuk, qinigaasinnaapput.

Imm. 3. Siulittaasooq qinigaaffiup iluani tunuaraluarpat, ataatsimeersuarnissap siulliup tungaanut siulersuisut siulittaasussaminnik nutaamik toqqaassapput.

Imm. 4. Siulersuisut iluminni siulittaasup tullissaanik toqqaassapput, siulittaasooq siulittaasullu tullia ulluinnarni aqutsisuussapput, TV-qarfimmi pisortaq suleqatigalugu.

Imm. 5. Siulittaasooq taannaluunniit pisinnaanngippat tullersortaa, siulersuisunik pisariaqartillugu siulersuisunulluunniit, ilaasortat marluk tamanna piumasarippassuk, ataatsimiigiaqqusisassaaq. Ataatsimiigiaqqusineq pinartoqavitsinnagu ullunik arfineq-marlunnik sioqqutisumik pisassaaq. Ataatsimiigiaqqusineri oqaluuserisassanut ataasiakkaanut tunngasut atortussat pappialallu pisariaqartut tamaasa ilanngunneqartassapput.

Imm. 6. Siulittaasooq taassumaluunniit tullersortaa ilaasortallu marluk peqataatillugit aalajangiisoqarsinnaavoq.

Imm. 7. Ataatsimiinnermi siulersuisunut ilaasortat peqataasut amerlanerussutillit isumaat aalajangiisuusassaaq. Naligiittoqassappat siulittaasup, isumaa aalajangiisuusassaaq.

Imm. 8. Siulersuisut ataatsimiinnerat imaqarniliorneqartassaaq. Imaqarniliaq ataatsimiissimanermi peqataasimasunit kingusinnerpaamik tullianik ataatsimiinnermi atsiorneqartassaaq.

Imm. 9. Siulersuisut qanoq suleriuseqarnissartik (forretningsorden) namminneq sukumiinerusumik pappialanngorlugu aalajangersarsinnaavaat.

Imm. 10. Siulersuisut ataatsimeersuartut akuerisaasa iluanni ajunngitsorsiassaqartinneqassapput.

Imm. 11. Siulersuisut peqatigiiffimmi sulisuusut ataatsimeersuarnerup killissarititaasa iluanni isiginnaagassianik akeqanngitsumik isiginnaarsinnaatitaapput.

Imm. 12. Sulisut siulersuisunut qinigassanngortissinnaanngillat.

§ 11.

Siulersuisut pisussaaffii

Siulersuisut ataatsimeersuarnerit akornanni peqatigiiffiup susassa qarfiinik aqutsisuussapput.

Imm. 2. Siulersuisut peqatigiiffiup susassa qarfiisa pitsaasumik akisussaassusilimmillu isumagineqarnissaat pisussaaffigivaat, matumani ileqqorissaartuunissaq torersumillu pissuseqarnissaq ilanngullugit.

Imm. 3. Kalaallit Nunaanni nalinginnaasumik taarsiisussaaitaanermik inatsit naapertorlugu siulersuisut akisussaaffeqarput. Peqatigiiffiup akisussaasutut sillimmasiinissaa siulersuisut namminneq aalajangiiffigissavaat. Taamatuttaaq ataatsimeersuarnermi ilaasortat sisamararterutaasa siulersuisut akisussaasutut sillimmaserneqarnissaat piumasarisinnaavaat. Peqatigiiffiup akilersugassaanik siulersuisut akiliisussaaitaangillat, peqatigiiffiup nammineq nalilinnik pigisai kisimik akiliutitut atorineqarsinnaammata.

Imm. 4. Siulersuisut ulluinnarni Tv'qarfimmi sulinermit akuliuttariaqanngillat, siulersuisunit imaluunniit tv'qarfimmi pisortamit suliamut aalajangersimasumut suliaqarnissamut qinnuigineqarsimanngikkunik. Allaanerusumik aaqqiisoqassappat tamanna Forretningordenimi erseqqissarneqassaaq.

§ 12.

TV-qarfimmi ulluinnarni aqutsisoq

Peqatigiiffiup ulluinnarni ingerlanneqarneranut akisussaasutut ingerlatsisussamik isumaqatigiissutit naapertorlugit siulersuisut atorfinitsitsissapput.

Tv'qarfimmi pisortaq siulersuisut ataatsimiinneranni allatsitut siunnersortitullu najuuttassaaq. Tv'qarfimmi pisortap akisussaaffigaa tv'qarfimmi sulisoqarnikkut aqutsineq, taamatullu sulisunik atorfinitsineq soraarsitsinerlu.

Tv'qarfiup allaffissornikkut, naatsorsuuserinikkut teknikkikkullu ingerlanneqarnerata illersorsinnaasumik ingerlanneqarnissaa tv'qarfimmi pisortap ulluinnarni akisussaaffigaa. Ilaasortat sullinneqarnerisa pitsaasumik ingerlanneqarnera pisortap isumagissavaa.

§ 13.

Pisinnaatitsissut

Siulersuisuni siulittaasoq, tullialuunniit siulersuisuni ilaasortat marluk peqatigalugit, siulersuisulluunniit tamarmiullutik peqatigiillutik atsiornermikkut peqatigiiffik pisussaaffilersinnaavaat.

§ 14.

Ukiumoortumik naatsorsuutit

Peqatigiiffik ukiup qaammatai naapertorlugit naatsorsuuteqartassaaq.

Imm. 2. Ileqqusumik ataatsimeersuarnissaaq sapaatip akunneranik sioqqullugu naatsorsuutit assistancepategnikkat ilaasortanit tamanit takuneqarsinnaasunngorlugit peqatigiiffiup allaffeqarfiani inissinneqassapput.

Imm. 3. Ukiumoortumik naatsorsuutit inatsit naapertorlugit saqqummiunneqartassapput.

§ 15.

Atorunnaarsitsineq

Peqatigiiffik aatsaat ataatsimeersuarnikkut atorunnaarsinneqarsinnaavoq, aatsaallu ataatsimiigiaqqusissummi tamanna siunnersuutigineqarsimasooq ersippat.

Imm. 2. Atorunnaarsitsinissamik siunnersuummut akuersinissamut ataatsimeersuarnermi taaseqataasinnaatitaallutik peqataasut 2/3-liisa akuersinissaat piumasaqaataavoq.

Imm. 3. Atorunnaarsitsinissaaq akuersissutigineqarpat, sumiiffimmi tv'qarfimmik aallartitsinissaminnik soqutiginnittunut atugassatut peqatigiiffiup pigisai nalillit kommunimi kulturikkut ataatsimiitaliamut tunniunneqassapput.

5

27. Maj 2021 ataatsimeersuarnermi akuersissutigineqarput, taamaalillutillu 13. Juni 2019'imi akuersissutigineqarsimasut nutarterneqarput.

Jørgen Peter Labansen, siulittaasoq

J. Labansen

Karl Davidsen

Karl Davidsen

Seth Marcussen

Seth Marcussen

Jakobine Olsen

Jakobine Olsen

Marie Nielsen

Marie Nielsen